



Broj: 01-02-6045/20-4
Ilidža, 30.12.2020.godine

Na osnovu člana 13. stav 2. alineja 17. Zakona o principima lokalne samouprave Federacije Bosne i Hercegovine ("Službene novine Federacije Bosne i Hercegovine", broj 49/06, 51/09) i člana 28. alineja treća Statuta općine Ilidža - prečišćeni tekst ("Službene novine Kantona Sarajevo" broj 33/10,18/16), Općinsko vijeće Ilidža na 1. vanrednoj sjednici održanoj dana 30.12.2020.godine, donijelo je

O D L U K U **O DOPUNAMA POSLOVNIKA O RADU OPĆINSKOG VIJEĆA ILIDŽA**

Član 1. **(Dopuna člana 31.)**

U Poslovniku o radu Općinskog vijeća Ilidža („Službene novine Kantona Sarajevo“, broj 36/10) u članu 31. iza stava (6) dodaju se novi stavovi (7), (8) i (9) koji glase:

“(7) U izuzetnim okolnostima kada je proglašeno stanje prirodne ili druge nesreće, elementarnih nepogoda, epidemija, pandemija i drugih vanrednih okolnosti, kao i u slučaju nekih drugih opravdanih okolnosti, predsjednik radnog tijela može uz konsultaciju sa Stručnom službom za poslove Općinskog vijeća da sazove i održi sjednicu radnog tijela elektronskim ili telefonskim putem (SMS porukom) ili elektronskom poštom. Rezultate glasanja utvrđuje predsjednik radnog tijela i uz pomoć Stručne službe za poslove Općinskog vijeća putem emaila dostavlja svim članovima radnog tijela.

(8) Zapisnik sa održane sjednice radnog tijela koja je održana na način iz stava (7) ovog člana sačinjava se na osnovu elektronske pošte ili online tonskog zapisa.

(9) Prilikom održavanja sjednica radnih tijela na način propisan stavom (7) ovog člana shodno se primjenjuju odredbe važeće Odluke o osnivanju stalnih radnih tijela Općinskog vijeća Ilidža i odredbe ovog Poslovnika.”

Član 2. **(Dopuna člana 39.)**

U članu 39. iza stava (3) dodaju se novi stavovi (4), (5) i (6), koji glase:

“(4) Izuzetno, u okolnostima po javnu sigurnost građana, zbog zaštite javnog zdravlja odnosno kada je proglašeno stanje prirodne ili druge nesreće, elementarnih nepogoda, velikih šteta za imovinu, epidemija, pandemija i drugih vanrednih okolnosti, predsjedavajući Vijeća može predložiti Kolegiju da se sjednice Kolegija i sjednice Vijeća održavaju elektronskom poštom ili on line korištenjem informacijskog sistema koji podržava prenos video konferencije ili aplikacija, programa i drugih elektronskih platformi za direktnu glasovnu i video komunikaciju.



(5) U slučajevima održavanja sjednica Vijeća i Kolegija Vijeća na način iz stava (4) ovog člana, pozivi za sjednice sa prijedlogom dnevnog reda i materijalima se dostavljaju putem sistema e-vijeća. Zapisnici sa održanih sjednica Vijeća i Kolegija Vijeća izrađuju se na osnovu elektronske pošte ili online tonskog zapisa. Rezultate glasanja na sjednicama Vijeća i Kolegija Vijeća utvrđuje predsjedavajući Vijeća uz pomoć zamjenika predsjedavajućeg Vijeća.

(6) Prilikom održavanja sjednica Vijeća i sjednica Kolegija Vijeća na način propisan stavom (4) ovog člana shodno se primjenjuju odredbe ovog Poslovnika i osiguravaju potrebne tehničke pretpostavke za rad i odlučivanje”.

Član 3.

Ova Odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI

Tarik Stambolić, magistar poslovnog prava

DOSTAVLJENO:

1. Općinski načelnik
2. Svim službama Jedinog općinskog organa uprave, stručnim i posebnim službama
3. Pravobranilaštvo
4. Za objavu „SNKS“
5. WEB stranica Općine Ilidža
6. Evidencija
7. a/a

